

AVISU

PNRR. Avisus po progetus de rimotzioni de barrieras físicas e connitivas in is logus de sa cultura

Sa diretzioni generali Museus de su Ministeru de sa Cultura at publicau duus Avisus po sa seletzioni e su finantziamentu de propostas progetualis de parti de museus e logus de sa cultura, cun ogetu sa rimotzioni de is barrieras físicas, connitivas e sensorialis. Ambaduus is avisus s' agatant àinturu de is iniziative de su **PNRR, Missioni 1 – Digitalizatzioni, innovatzioni, competitividades e cultura, Componenti 3 – Cultura 4.0 (M1C3)**, Mesura 1 “Patrimòniu culturali po sa generatzioni imbenienti”, Investimentu 1.2: “Rimotzioni de is barrieras físicas e connitivas in museus, bibliotecas e archìvius” finantziau de s’ Unioni europea – NextGenerationEU.

Avisu po is entis privaus: destinatàriu de su primu avisu funt is istitutus e is logus de cultura privaus, cun personalidadi giuridica, comenti museus, bibliotecas, archìvius, àreas e parcus archeològicus, aici puru is complessus monumentalis de sugetus privaus e abertus a su pùblicu, cun balori de servìtziu privau de utilesa sotziali.

Sa dotatzioni finantziaria est de èurus 7.460.000,00 e su finantziamentu est de su 100% de is gastus ammitius. Is domandas de finantziamentu bolint presentadas in cabu de is oras **12:00 de su 12 de austu 2022**, a s' indiritzu ministeriali in linia: <https://servizionline.cultura.gov.it/domande/55>.